

反杖音歡昌劣誓音鷄令緩下携邊二同到下正至反
之掛掖丁正作腋音亦幞房福揣搏音圖編必連下正編天反
挂剗七到天莫蘆果下郎鋸鳥候反

彌沙塞部五分律卷第二十八 和八

宋罽賓三藏佛陀什共竺道生譯

第五分之五遮布薩法

佛在瞻婆國恒水邊尔時世尊十五日布薩時與比丘衆前後圍遠於露地坐遍觀衆僧默然而住初夜過已阿難從座起前禮佛足

李壽

胡跪合掌白佛言世尊初夜已過衆坐已久願爲諸比丘說我世尊默然阿難還坐中夜過已復如是白佛亦默然後夜復白言明相欲出衆坐已久願爲諸比丘說戒佛語阿難衆不清淨如來不爲說戒時目連作是念今此衆中誰不清淨乃使世尊作如是語便遍

觀察見一比丘近佛邊坐非比丘自言比丘非沙門自言沙門不修梵行自言修梵行成就惡法覆藏其罪不捨邪見即從座起往到其前語言如來已見汝汝出去滅去莫此中住便牽臂出著門外還坐本處佛語目連惟哉目連未曾有也此愚癡人不自知罪乃使

他人牽其臂出於是阿難復從座起白佛言世尊衆已清淨願爲諸比丘說戒佛告阿難從今汝等自共說戒吾不復得爲比丘說所以者何若衆不清淨如來爲說彼犯戒人頭破七分又告阿難大海有八未曾有阿脩羅樂居其中何謂八大海漸深潮不過限不宿死屍百川來會無復異衆萬流悉歸而無增減出真珠摩尼珊瑚琉璃珂王金銀頤梨諸寶太身衆生皆住其中同一鹹味是爲八我此正法亦復如是有八未曾有諸比丘皆共樂之何謂八漸制漸教漸學我諸弟子於所制戒終不敢越有犯必點不宿容之

雜類出家皆捨本姓稱釋子沙門諸善男子
善女人出家多得無餘泥洹而無增減有種
種法寶所謂四念處乃至八聖道分諸助道
法有諸大人阿羅漢向阿羅漢乃至須陀洹
向須陀洹住正法中若有八者同一解脫味
是為八時六群比丘犯罪不悔而布薩有比

丘亦數之諸比丘以是白佛佛言不應爾犯
者突吉羅諸比丘猶故犯罪不悔布薩佛言
應住其布薩有諸比丘或未布薩便住或布
薩竟乃住如是等諸住布薩皆如住自恣中說
五分律第五分之六別住法
時諸別住比丘度沙弥與受具足戒作依止

和契二

師畜沙弥諸比丘以是白佛佛言不應爾復
有別住比丘受他善比丘恭敬使令擔衣鉢
革屣佛言不應爾復有別住比丘見如法比
丘來便避藏恐知已別住佛言不應爾復有
別住比丘請僧食還私房食佛言不應爾應
在大比丘下行食復有別住比丘在如法比

丘前行佛言不應爾復有別住比丘欲往白
衣家共如法比丘行佛言不應爾復有別住
比丘或更犯本罪或更犯餘惡罪佛言不應
爾復有別住比丘於如法比丘前不披衣佛
言不應爾復有別住比丘常著三衣作泥汙
佛言不應爾復有別住比丘共如法比丘一

牀坐或自坐好牀佛言不應爾復有別住比
丘與如法比丘並經行或自在勝經行處佛
言不應爾復有別住比丘受僧差說戒經唄
佛言不應爾復有別住比丘作諸羯磨呵責
羯磨驅出羯磨依止羯磨舉罪羯磨下意羯
磨佛言不應爾復有別住比丘住如法比丘
語佛言不應爾復有別住比丘欲為四衆說
法佛言不應爾復有別住比丘不憶別住日
數月半月一歲佛言應知復有別住比丘於
如法比丘前反抄衣抄腰著革屣覆頭通肩
覆或坐或卧佛言皆不應爾復有別住比丘
不順別住比丘法佛言不應爾復有別住比

丘不白客來比丘不白去比丘佛言應白復有別住比丘日日白僧佛言應布薩時白若行摩那埵應日日白復有別住比丘欲遠行白佛佛言應捨竟去應作如是捨向一如法比丘言大德聽我今捨別住法後更行之如是三說若不捨而去於路上見比丘便應自

三

說別住諸別住比丘於路上便廣說別住諸白衣見言此比丘有何罪而悔過諸比丘以是白佛佛言路上不應廣說但言大德我某甲比丘行別住法已若干日餘若干日大德憶持彼比丘捨別住到餘處應求彼僧更行別住彼僧應聽行別住法若不聽突吉羅復有別住比丘受別住法已往無比丘處住於別住中更犯惡罪佛言別住比丘不得獨住一處不應更犯惡罪犯者皆突吉羅復有諸別住比丘受別住已往不如法比丘處住佛言不應爾彼若有一如法比丘聽住犯者突吉羅復有別住比丘與如法比丘同屋住佛

言不應爾復有別住比丘與如法比丘同浴室浴佛言不應爾聽擔蕉內浴室中洗浴室掃除之具灰土灑豆敷座坐與諸比丘脫衣著徒爲油摩身體隨彼受者作之復有同別住比丘共浴室浴佛言聽但次第供給所湏別住比丘有三最下最在大比丘下行與最下卧具最下房舍別住比丘有三事隨本次僧得施物時自恣時行鉢時別住比丘有八事失別住法往他處不白外來比丘不白自出不白他出不白獨住一處於別住中更犯惡罪與如法比丘同屋宿不捨別住遠行路上見比丘不自行摩那埵亦以八事失除獨

住一處於不滿二十僧中行之餘七如上五分律第五分之七調伏法

余時長老優波離問佛世尊須提那迦蘭陀子是犯波羅夷不佛言初作皆不犯又問阿練若處比丘是犯不佛言犯有一比丘狂病行姪狂差生疑問佛佛言狂者皆不犯散亂

心病壞心亦如是孫陀羅難陀跋耆子不捨戒行姪法後疑問佛佛言犯有一比丘共二根女人行姪有一比丘共二道合女人行姪有一比丘共黃門行姪有一比丘共男子行姪有一比丘共小兒行姪後皆生疑問佛佛言比丘犯有一比丘共小女行姪女即死疑犯二波羅夷問佛佛言姪犯波羅夷女死偷

羅遮有一比丘作木女像行姪後疑問佛佛言出不淨僧伽婆尸沙不出偷羅遮泥盡女像亦如是一比丘共象行姪後疑問佛佛言犯一切畜生亦如是

時王舍城有一愚信優婆夷作是見以姪欲

施是第一施便請諸比丘施之諸比丘言姊妹不應亦是佛所制女人復言三處是犯歧行不名犯比丘即從其語後疑問佛佛言犯坐行姪女皆女動比丘不動亦如是時舍衛城有愚信優婆夷名善輕作是見以姪欲法施是第一施便請諸比丘施之諸比丘言姊

妹不應亦是佛所制女人復言三處是犯歧股臍中一切諸處不名犯比丘即從其語後疑問佛佛言出不淨皆僧伽婆尸沙不出皆偷羅遮時阿練若處有比丘露地熟眠有人見於上行姪比丘覺見不淨汙身復見女人從其間去生疑問佛佛問汝受樂不答言

和八

五

不受佛言不犯露地熟眠突吉羅開房戶眼亦如是復有比丘露地熟眠女人於上行姪比丘覺出時受樂生疑問佛佛言犯毗舍離有一阿羅漢比丘得風病舉體強直看病人舉著露地入聚落爲乞食有女人來於上行姪行姪已比丘男根強直如故諸女人言此是雄士即以香塗華結頭作禮而去看病人還見不淨汙其身體作是念此比丘不修梵行破於淨戒我當住其布薩又念世尊不聽住病比丘布薩當待其差彼病差已便住布薩其語言汝先病時破戒答言我亦時病身體強直不能自攝非爲破戒諸比丘以是自

佛佛言是比丘已得阿羅漢風病強直不能自攝不受樂故不犯看病比丘置露地而去犯突吉羅時有比丘以男根刺比丘口中後俱生疑問佛佛言若刺者戲偷羅遮受者非戲波羅夷若受者戲偷羅遮刺者非戲波羅夷若俱戲俱偷羅遮若俱非戲俱波羅夷時

和八

六

諸比丘共白衣浴室中浴白衣取其形相語諸女人又身相觸生染著心遂致反俗作外道者比丘以是白佛佛言不應尔若共白衣浴室中浴偷羅遮有一摩訶羅比丘夢中與本二行姪覺已出房高聲大喚我非沙門非釋種子諸比丘問其故答言我與本二行姪

又問汝本二今在何許答言在我本生聚落又問彼來耶汝往耶答言彼不來我不往又問云何得共行姪答言夢中行姪諸比丘以是白佛佛言不犯不繫念在前眼得突吉羅罪有一比丘立小便狗來銜其男根生疑問佛佛言不犯立小便得突吉羅罪比丘住處

不應畜如是畜生犯者突吉羅罪有一比丘男根長以欲心自刺大便道中生疑問佛佛言犯有一比丘身體弱以男根自刺口中亦如是有一比丘坐禪魔女來至其前比丘見生染著心不覺起捉彼女女便走比丘亦走逐之彼女至一死馬中沒比丘便於馬上行

姪即生悔心語諸比丘諸比丘以是白佛佛言聽僧與彼比丘作波羅夷白四羯磨彼比丘應至僧中脫革屣偏袒右肩禮僧足胡跪合掌作如是白我某甲比丘犯姪即生悔不覆藏今從僧乞波羅夷羯磨願僧與我波羅夷羯磨如是三乞應一知法比丘唱言大德僧聽此某甲比丘犯姪即生悔不覆藏從僧乞波羅夷羯磨僧今與作波羅夷羯磨若僧時到僧忍聽白如是大德僧聽此某甲比丘犯姪乃至僧今與作波羅夷羯磨誰諸長老忍嘿然不忍者說如是第二第三說僧與某甲比丘作波羅夷羯磨竟僧忍默然故是事

如是持佛言彼比丘盡壽不得授大比丘食而自從淨人受若布薩自恣作諸羯磨時若來者善若不來彼此無犯有比丘共天女龍女阿脩羅女行姪生疑問佛佛言皆犯有一比丘至他作食處取一鉢羹生疑問佛佛言汝以何心取答言以盜心佛言若直五

錢犯波羅夷若減五錢偷羅遮入他園中盜

心取一菓菜亦如是有一比丘爲賊所剥諱得衣物生疑問佛佛言不犯復有比丘爲賊所剥已入賊手或已持去後追奪得生疑問佛佛言汝心捨未答言未捨佛言未捨不犯已捨便犯有阿練若處比丘見野猪被箭走

和八

七

來共相語言當莫道見獵師尋至問比丘見我所射猪不答言何處有猪是誰無有猪後作是念我言無猪將無得藏猪罪生疑問佛佛言不犯若有如是因緣作餘語破其問皆無罪有阿練若處比丘見獵師得生鹿繫已捨去比丘以憐愍心解放生疑問佛佛言不

犯然不應於他物方便放之犯者突吉羅憐愍心放他一切衆生亦如是有比丘見拘樓荼衡肉飛戲逐令放生疑問佛佛言不犯然不應於無益處方便令彼失犯者突吉羅有一比丘見他牛隨路行盜心驅即悔而捨生疑問佛佛言不犯得偷羅遮罪有比丘見水

濁物盜心接得生疑問佛佛言若直五錢波羅夷有比丘去祇桓不遠見他耕田語言此是僧田汝勿耕之耕者念言諸比丘有勢力若訟我或致失物便止不耕比丘還祇桓問諸比丘此是誰田諸比丘言是某居士田便生疑問佛佛言不犯若於無益處作方便欲令失皆突吉羅時十七群童子爲賊所抄父母啼哭懊惱畢陵伽婆蹉乞食見之間其意故具以事答畢陵伽婆蹉即入定觀見賊將著阿夷羅河洲上便以神足取還各著其家閣上語其父母言勿復啼哭沒兒今皆還家重閣上戲後疑問佛佛言不犯得突吉羅罪

有比丘爲利益故自長已年大於他人後疑問佛佛言不犯故妄語得波逸提罪有一住處比丘與白衣共井若白衣以盜心偏多取水比丘亦以盜心作是念我今何爲獨不多取未取生疑問佛佛言若長取他水直五錢波羅夷有比丘於彼處盜他衣直五錢來此

賣不直五錢謂不犯波羅夷生疑問佛佛言本處直五錢波羅夷若於彼處不直五錢來此賣直五錢偷羅遮有比丘盜他佛經謂是佛語無犯後疑問佛佛言計紙筆功書直五錢犯余時拘舍弥有一長者見法得果常供給諸比丘長者及姊各有一子二人常共供

養長老阿酬比丘長者臨欲終時示阿酬寶藏處所語言我命終後彼二子中若信樂佛法於諸比丘常無所愛者可示此藏言已氣絕阿酬比丘後察二人其子皆正而姊子信樂便語姊子令得寶藏其子聞之即往阿難所問言父之遺財應屬誰耶答言應屬子便

語阿難言我父寶藏阿酬比丘與我姑子阿難即往語阿酬言汝非沙門非釋種子阿酬答言我是沙門是釋種子自可依諸經律共判此事阿難言此事居然何須經律時諸長老比丘皆是阿酬而佐助之阿難阿酬二衆於是各別不復和合六年之中共安居住處

皆不布薩自恣聲聞遐迩徹于梵天時羅睺羅遊迦維羅衛城諸釋種子皆共出迎具說此事如何世尊泥洹未久衆僧便不和合乃經六年我等欲和合之不知方便羅睺羅言我當教汝令彼和合阿難尋來諸有嬰兒皆抱迎之以兒著地兒必當啼阿難必問何不

抱取汝當答言若長老與阿酬和合我等然後乃當取兒以此方便可令和合阿難須臾便至五百釋女抱兒出迎皆著阿難前地兒即大啼阿難果言何不抱取同聲答言若長老與阿酬和合我等乃當還取此兒阿難感其此意又愍嬰孩語言姊妹取兒我當與彼

和合便還集僧優波離問阿難比丘不與取
有幾種非沙門非釋種子答言有三種自取
教人取遣人取又問阿酬汝自取教人取遣
人取不答言不又問阿難阿酬比丘有何過
阿難言阿酬無慤是我之過於是阿難僧中
遍唱是我之過阿酬無慤便向阿酬懺悔和

合有一比丘本是偷兒語諸比丘可共至彼
聚落取物諸比丘便從其語先往取之彼比
丘於後生疑問佛我如是教人盜犯波羅夷
不佛言不犯得偷羅遮罪有比丘取他覆塲
衣塲上幡塲間衣神廟中物他所護者生疑
問佛佛言他心未捨取直五錢皆波羅夷廟
中物雖無主而是官所護者亦如是有比丘
瞋他故或燒其家或燒其田穀林叢生疑問
佛佛言不犯得偷羅遮罪瞋故破壞他亦如
是有比丘於鼠穴中得千兩金囊盜心取生
疑問佛佛言屬鼠物不犯得偷羅遮罪若盜
心奪鳥獸物亦如是有比丘於食上覬食他

分他問誰食我分答言我食彼瞋生疑問佛
佛言非盜心不犯不應輒作同意食他分犯
者突吉羅有比丘蒲博賭取人物生疑問佛
佛言不犯得突吉羅罪有二比丘同意更相
著衣後相瞋謗以爲偷生疑問佛佛言不犯
不應輒同意著他衣犯者突吉羅

時跋難陀與估客共道行到關稅處估客從
跋難陀借囊密以大價珠著囊中還之跋難
陀不覺出關已索囊中珠跋難陀言我不取
汝珠估客言汝實不取我向借汝囊以珠著
中耳即還其珠生疑問佛佛言不犯若欲出
關人從借物還已應抖擻看犯者突吉羅

時旃荼脩摩那比丘尼弟子至師擅越家詐
云師病索三種藥粥得已於外自愈其家婦
女後往問訊言阿嬌病差不答言我都不病
何以問我便以具說師語弟子汝偷我粥答
言我實不偷於和尚作同意取耳生疑問佛
佛言不以盜心不犯得故妄語波逸提罪有

比丘見主人田無水決燭他水澆之生疑問
佛佛言若直五錢犯有高處比丘擲他衣與
下處比丘俱生疑問佛佛言若盜心擲波羅
夷無盜心取偷羅遮若無盜心擲偷羅遮盜
心取波羅夷俱盜心俱波羅夷俱無盜心俱
偷羅遮有比丘盜心賚僧好物生疑問佛佛

言賚直五錢犯

時有比丘以石擲蛇誤著人死生疑問佛佛
言汝以何心答言欲擲殺蛇佛言人死無犯
擲蛇犯突吉羅有比丘殺猕猴似人生疑問
佛佛言奪畜生命犯波逸提有一婦人夫行
不在傍通有身從常供養比丘乞墮胎藥與
之兒死母不死生疑問佛佛言犯若欲墮胎
母死兒不死犯偷羅遮若俱死犯波羅夷若
俱不死犯偷羅遮案腹墮胎亦如是有諸比
丘不樂修梵行而不罷道還就下殿於高處
自墜取死墮下人上下人死已不死生疑問
佛佛言汝以何心答言欲自墮死佛言彼死

無犯作方便自殺皆偷羅遮有二比丘先相
瞋後共道行於路相打一人遂死生疑問佛
言汝以何心答言瞋心佛言無殺心不犯
瞋他比丘得波逸提罪從今不聽相瞋未相
悔謝共道行犯者突吉羅有比丘打殺兒生
疑問佛佛言犯偷羅遮有比丘欲殺彼而誤
殺此生疑問佛佛言不犯得偷羅遮罪

和八

十一

時諸比丘爲利養故種種讚歎他戒定慧解
脫解脫知見成就而密以自美生疑問佛佛
言若如是等不分明自說皆犯偷羅遮毗舍
離有一大樹名尼拘類蔭五百乘車華色比
丘尼見語諸比丘尼言我在天上時璫耳邊
華如此樹大諸比丘尼謂無此理種種呵責
云何比丘尼自說得過人法以是白佛佛言
天上實有此華華色比丘尼實語無犯毗舍
離私呵比丘身生五百癰瘡瘍潰爛不可
視華色比丘尼與五百比丘尼俱共問訊見
已便笑諸比丘尼呵責云何無憐愍心見比

丘如此方便笑之華色答言此比丘過去世時作大國王名毗竭婆我時爲作第一夫人其王強取五百童女破其當世以此因緣無數百千萬歲墮大地獄苦毒燒煮餘報受此五百癡瘞諸比丘尼謂無此理種種呵責云何比丘尼自稱得過人法以是白佛佛言彼

比丘實余華色說實無犯時長老目連語諸比丘言我見阿禪達池有蓮華大如車輪諸比丘不信謂是虛說得過人法以是白佛佛言實有此華目連說實無犯有諸比丘虛說得過人法作如是言我有業報因緣天眼天耳他心智後疑問佛佛言不犯得偷羅遮罪有諸比丘虛說得過人法作如是言我得天眼天耳他心智漏已盡後疑問佛佛言犯有一婆羅門請僧食言大德諸羅漢來坐食食竟言諸羅漢還去諸比丘生疑問佛佛言人自作此讚歎皆無犯有諸比丘爲利養故坐起行立言語安詳以此現得道相欲令人

知後疑問佛佛言如是等現異皆犯偷羅遮有諸比丘臨欲命終應墮地獄悉見地獄諸相阿傍在前又有比丘應生天悉見諸天宮殿聞音樂聲天子天女在前語言皆以語人生疑問佛佛言是應生瑞相非妄語無犯有諸比丘本欲說餘事後非意說過人法生疑

和八

十三

問佛佛言非是本意不犯得偷羅遮罪有諸比丘語白衣言若有住汝房者皆成就如是如是道後自往住生疑問佛佛言作如是等方便皆犯偷羅遮有諸比丘自說得過人法欲令人聞而非人聞又欲令非人聞而人聞又欲令人非人聞而無聞者皆生疑問佛佛言皆犯偷羅遮時目連語諸比丘其甲居士婦當生男彼當產時轉爲女波斯匿王與阿闍世王共戰目連言波斯匿王當勝而反不如後更集戰復言阿闍世王當勝亦反不如諸比丘呵責言云何虛說得過人法以是白佛佛言如目連語但觀其前不觀後耳

時有比丘擣隱處不淨出生疑問佛佛言汝以何心答言始末無有出意佛言無犯若欲出而出僧伽婆尸波欲出不出偷羅遮以暖水浴向火炙不淨出皆如是有比丘憶行欲

事不淨出生疑問佛佛言汝以何心答言我憶行欲事不淨自出佛言不犯憶行欲事突

吉羅有比丘故以形張衣出不淨謂不犯僧伽婆尸沙問佛佛言如是比丘於女像邊出不淨生疑問佛佛言若出不淨僧伽婆尸沙不出偷羅遮

時有比丘以肘築女人身復有比丘以鉢鉤

十三末

牽人生疑問佛佛言皆犯偷羅遮若提其衣牽捉其繩杖亦如是有比丘女人在牀上船車上樹上欲心搖之生疑問佛佛言若如是皆犯偷羅遮

時有女人著青衣比丘見語言姊妹汝許青生疑問佛佛言犯偷羅遮若如是因形而作

惡語皆如是時有夫婦共鬪不和合比丘往和合之生疑問佛佛言若夫婦義已離和合者僧伽婆尸沙若未離無犯

彌沙塞部五分律卷第二十八 和八
黠_反丑_律數_胡教_反樵_自遙_天此股_上音渠_古抄

林_教嬰_一盈_天嬰_孩戶_袁反
張_耕下_直懲_去軋_綠椽_直綠_反擗_麻刀形

彌沙塞部五分律卷第二十九 和九
宋罽賓三藏佛陀什共竺道生譯
第五分之八毗尼法

余時世尊還歸舍夷至迦維羅衛城上尼拘
類樹下淨飯王出迎遙見世尊容顏殊特猶
若金山前禮佛足而說偈言